

आकाशवाणी

खबरां ----

1. चुनांs आयोग नै पच्छिम बंगाल दे डी.जी.पी ते 6 राज्यें दे गृह सचिवें गी लोकसभा चुनाएं थवां पैहले मौजूदा औहदे थवां हटाई दिता ऐ।
2. बिहार च राष्ट्रीय जनतांत्रिक गठबंधन दे सहयोगिणं लोकसभा चुनांs आस्तै सीट बंटवारे दे समझौते गी खीरी रूप देई दिता ऐ।
3. त्र'ऊं दिनें दा स्टार्ट अप महाकुम्भ नमीं दिल्ली च शुरू, एहदा मकसद स्टार्ट अप दा निवेशकें, समर्थवान बपार भ्यालें ते पूंजीपतिणं कन्नै मेल कराना ऐ।
4. सुप्रीम कोर्ट नै भारती स्टेट बैंक गी चुनावी बांड सरबन्धी सारा ब्यौरा ते जानकारी उपलब्ध करोआने दा निर्देश दिता ऐ, अदालतै एस.बी.आई गी 21 मार्च तोड़ी खरीदारी ते हासल करने आहली सियासी पार्टी बशकार संपर्क गी दस्सने आले युनिक बांड नम्बरें दी जानकारी बी उपलब्ध करोआने दे निर्देश दिते।

5. भारतीय सेना ते सेशेल्स रखा बलें बशकार संयुक्त सैन्य अभ्यास लामितियें दा 10मां संस्करण अज्ज सेशेल्स च शुरू होग।

<><><><><><>

### **ECI-Home-Secy.**

लोकसभा चुनां थवां पैहले निर्वाचन आयोग नै 6 राज्यें दे गृह सचिवें ते पच्छिम बंगाल दे पुलस महानिदेशक गी हटाई दिता ऐ। सूत्रें दस्सेआ ऐ जे गुजरात, उत्तर प्रदेश, बिहार, झारखंड, हिमाल प्रदेश ते उत्तराखंड दे गृह सचिवें गी हटाया गेआ ऐ। मिजोरम ते हिमाचल प्रदेश दे सामान्य प्रशासनिक प्रभाग दे सचिवें दा बी तबादला करी दिता गेआ ऐ।

<><><><><><>

### **WB-DGP&IGP Transfers**

निर्वाचन आयोग नै पच्छिम बंगाल सरकार सोयां भारतीय पुलस सेवा दे अधिकारी ते पुलस महानिदेशक राजीव कुमार ते राज्य दे आई.जी.पी दा तबादला ऐसी थाहर पर करने लेई आखेआ ऐ जिस थाहर ओहदे दा

सरबंध चुनांs कन्नै नेई होए। आई.पी.एस अधिकारी विवेक सहाय होरें गी पच्छम बंगाल दा डी.जी.पी नियुक्त कीता गेआ ऐ। राजीव कुमार होरें गी आई.टी ते इलेक्ट्रिनिक्स मैहकमे च लाया गेआ ऐ। पच्छम बंगाल च लोकसभा चुनांs पैहले गेड़ तैहत 19 अप्रैल गी होडन। लोकसभा चुनांs राज्य च सारे 7 गेड़ च होडन।

<><><><><><>

## **Bihar**

लोकसभा चुनांs दी सूची दी घोषणा होने मगरा बिहार च राजनीतिक गतिविधियां तेज होई गेइयां न। मुख्य निर्वाचन अधिकारी एच.आर श्रीनिवास होरें आकाशवाणी समाचार गी दस्सेआ ऐ जे बिहार च आदर्श आचार संहिता गी असरदार तरीके कन्नै लागू करने दे सब्बै जत्न कीते जा'रदे न।

<><><><><><>

## **Delhi-LS Polls**

लोकसभा चुना दौरान दिल्ली च 7 पार्लिमानी सीटें पर लगभग 1 करोड़ 47 लकख मतदाता नेताएं दे राजनीतिक भागें दा फैसला करडन। लोकसभा च 7 निर्वाचन क्षेत्रें च 6में गेड़ च 25 मई गी

मतदान होगा। चुनावों की अधिसूचना 29 अप्रैल को जारी की जागी। नामांकन पत्र भरने की अखिरी तरीक 6 मई ए। 9 मई तगर नां वापस लैते जाई सकदे न। मुख्य दे होरनें संसदीय निर्वाचन क्षेत्रें दे कन्नै वोटें की गिनतरी 4 जून को होग। भारती जनता पार्टी नै सब्बनें 7 सीटें आस्तै मेदवारें की घोषणा करी दिती ए।

<><><><><><>

### **NDA-Bihar**

बिहार च राष्ट्री जनतांत्रिक गठबंधन दे सहयोगिएं लोकसभा चुनावों आस्तै सीट बंटवारे दे समझौते को खीरी रूप देई दिता ए। गठबंधन तैहत राज्य च कुल 40 सीटें चा भारती जनता पार्टी 17 लोकसभा सीटें पर जनता दल यूनाइटेड 16 सीटें पर लोक जनशक्ति पार्टी 5 सीटें प चुनावों लड़ोग। साबका मुखमंत्री जीतन राम मांझी हुंदी अगुवाई आला हिंदीस्तानी अवामी मोर्चा ते उपेंद्र कुशवाहा हुंदा राष्ट्री लोक मोर्चा राज्य च इक-इक सीट पर चुनावों लड़ोग। नमीं दिल्ली च इस बारे घोषणा कीती गई। इस मौके बिहार भाजपा अध्यक्ष सम्राट चौधरी, जनता दल यूनाइटेड नेता संजय झा, लोक जनशक्ति पार्टी दे राजू तिवारी सने होर दुए लोक मौजूद हे।

<><><><><><>

### **BJP Sangeeta Azad**

उत्तर प्रदेश थवां बहुजन समाज पार्टी सांसद संगीता आजाद ते उंदे पति नमीं दिल्ली स्थित पार्टी मुख्यालय च भाजपा च शामिल होई गए। साबका विधायक आजाद अरी मर्दन ते सुप्रीम कोर्ट दी मन्नी-परमन्नी दी वकील सीमा कुशवाहा बी भाजपा च शामिल होए।

<><><><><><>

### **PM-Shiva Mogga-Rally**

भारती जनता पार्टी दे वरिष्ठ नेता ते प्रधानमंत्री नरेंद्र मोदी होर कांग्रेस पर सख्त लफ्जे च हमला करदे होई आखेआ ऐ जे कांग्रेस भ्रष्टाचार, लूट ते तुष्टिकरण दी राजनीति करदी ऐ। जिस्सलै कि भाजपा दा मतलब ऐ विकास ते मजबूत भारत। एह गल्ल उनें शिव मोग्गा च रैली गी संबोधित करदे होई आक्खी। उनें गलाया जे पिच्छले 10 बरें दौरान 25 करोड़ थवां मते लोकें गी गरीबी रेखा थवां उप्पर आहन्नेआ गेआ ऐ। उनें आखेआ जे कर्नाटक च आयुष्मान भारत मुफ्त चिकित्सा उपचार कन्ने 75 लक्ख लोकें गी लाह थोआ।

40 लकख गरीब महिलाएं गी रसोई गैस दे कनेक्शन दिते गए ते 9 लकख लोकें गी मकान थहोए।

<><><><><><>

### **SC-Satyendar-Jain**

सुप्रीम कोर्ट नै काले धनै गी जायज बनाने सरबन्धी मामले च दिल्ली दे साबका मंत्री सत्येंद्र जैन हुंदी जमानत याचिका खारिज करी दिती ऐ ते उनेंगी फौरी तौर पर समर्पण करने दा आदेश दित्ता ऐ। अदालतै दो होर अभियुक्तें अंकुश ते वैभव जैन दी बी जमानत याचिका खारिज करी दिती ऐ। अदालतै अभियुक्तें दे वकील दी समर्पण करने आस्तै बाद् इक हफ्ते दा समां देने दी मंग बी खारिज करी दिती ऐ। सत्येंद्र जैन होरें गी पिच्छले बरे 26 मई गी चिकित्सा दे आधार पर अंतरिम जमानत दिती गई ही जिसी समें मुजब बदाया गेआ।

<><><><><><>

### **ED-Kejriwal**

दिल्ली दे मुखमंत्री अरविंद केजरीवाल अज्ज दिल्ली जल बोर्ड च कथित बेजाबतिएं कन्नै जुड़े दे रपे पैसे दे हेर-फेर सरबन्धी मामले च जारी समन पर प्रवर्तन निदेशालय दे सामने पेश नेई होए। आम

आदमी पार्टी नै इनें समन गी गैर कनूनी आखेआ ऐ। पार्टी नै भाजपा सरकार पर केजरीवाल गी निशाना बनाने आस्तै प्रवर्तन निदेशालय दा इस्तेमाल करने दा आरोप लाया। दिल्ली दे मुखमंत्रि होरें गी दुई बारी रपे-पैसे दे हेर-फेर सरबन्धी कनून तैहत समन जारी कीता गेआ। केजरीवाल दिल्ली आबकारी नीति कन्नै जुड़े दे धनशोधन मामले च पैहले सोयां गै ई.डी दे समन दा सामना करा'रदे न। ओह इस मामले च 8 बारी जारी समन पर बी पेश नेई होए।

<><><><><><>

### Start up Mahakumbh

मुख दे स्टार्ट अप तंत्र गी दर्शाने आहले सब्बनें शा बड्डे कार्यक्रमें चा इक त्र'ऊं दिनें दा स्टार्ट अप महाकुम्भ अज्ज नमीं दिल्ली दे भारत मंडपम च शुरू होआ। इस स्टार्ट अप कार्यक्रम दा मकसद स्टार्ट अप्स गी निवेशकें कन्नै जोड़ना ऐ। इस मौके पर बोलदे होई D.P.I.I.T. दे सचिव राजेश कुमार सिंह होरें आखेआ जे 2016 च मुख च जित्थे छड़े 300 स्टार्ट अप हे उत्थे अज्ज इंदी गिनतरी 1 लख कोला उप्पर होई गेदी ऐ। उनें आखेआ जे भारत दुनिया च त्रीया सब्बनें शा बड्डा स्टार्ट अप तंत्र ऐ ते देसै दे 670 जिलें च मजूद स्टार्ट अप्स चा

50 फीसद स्टार्ट अप दुए ते त्रीये दर्जे दे शैहरें च न। इस मौके बोलदे होई भारत दे जी-20 शेरपा अमिताभ कांत होरें आखेआ जे स्टार्ट अप इंडिया योजना दे बाद मुख्य च स्टार्ट अप्स दी गिनती च खरा मता बाददा दर्ज कीता गेआ ऐ ते पिच्छले 8एं बरें दरान इस तंत्र नै 10 लकख शा मती नौकरियां कायम कीतियां न। स्हाड़े संवाददाता मुजब भारत मंडपम च बक्ख-बक्ख सैक्टरें जियां आर्टीफिशल इंटेलिजेंस, एग्रीटैक, डीप टेक वगैरा दे बक्ख-बक्ख पंडाल स्थापित कीते गेदे न।

<><><><><><>

### **SC-SBI-Bond**

सुप्रीम कोर्ट नै भारती स्टेट बैंक एस.बी.आई गी अज्ज चुनावी बांडें सरबंधि सारा ब्यौरा ते जानकारी उपलब्ध कराने दा निर्देश दिता ऐ। अदालतै एस.बी.आई गी 21 मार्च तोड़ी खरीदार ते हासल करने आली सियासी पार्टी बशकार संपर्क गी दस्सने आले युनिक बांड नंबरें दी जानकारी बी उपलब्ध कराने दा निर्देश दिता ऐ। प्रधान न्यायधीश डी.वाई.चंद्रचूड़ हुंदी अध्यक्षता आली 5 जजें दी संविधान पीठै आखेआ ऐ जे एस.बी.आई गी बांड गी पूरी जानकारी देने दी लोड़ गी लेइए कुसै चाल्ली दा शक शुबा नेई होना लोड़चदा। सुप्रीम कोर्ट नै

एस.बी.आई दे चेयरमैन गी 21 मार्च शामली 5 बजे कोला पैहले-पैहले  
अदालत दे सामने इक हल्फनामा दाखल करने लेई आखेआ ऐ जेदे च  
दस्सेआ गेदा होना लोड़चदा जे एस.बी.आई नै बांडें सरंबधी सारी  
जानकारी दा खलासा करी दिता ऐ।

<><><><><><>

## **Election 2024**

सुप्रीम कोर्ट दे 13 अप्रैल 2004 दे निर्देशों ते चुनांस आयोग दिएं  
हिदायतें मुजब कुसै बी पंजीकृत सियासी पार्टी जां कुसै संगठनें दे  
समूह यां चुनांस लड़ा करदे मेदवार आस्सेआ दिते जाने आले सब्बनें  
सियासी इश्तेहारें गी टी.वी, केबल नेटवर्क यां केबल चैनलें पर प्रसारित  
करने शां पैहले उसी मीडिया प्रमाणन ते निगरान कमेटी आस्सेआ  
प्रमाणित कीता जाहग। जम्मू-कश्मीर दे मुख चुनांस अधिकारी हुंदे  
आस्सेआ जारी अधिसूचना मुजब सिनेमा हाल ते एफ.एम चैनलें सने  
रेडियो पर चलाए जाने आले इश्तेयार, सार्वजनिक थाहें पर चलने आले  
आडियो-वीजुअल संदेश, ई-अखबारें च इश्तेहार, किट्ठे भेजे जाने आले  
बड़े सारे एस.एम.एस. ते वाइस मैसेज, सोशल मीडिया ते इंटरनेट  
वेबसाइटें पर इश्तेहार बी प्रमाणीकरण दे इस दायरे हेठ औडन्न।

सबबनें सरबंधत धड़ें गी इस अधिसूचना दी पालमा दे आदेश दिते गे न। छड़े पैहले शा प्रमाणित इश्तेहार गै छापे जां प्रसारित कीते जाई सकडन।

<><><><><><>

### Limitiye-Exercise

भारती सेना ते सेशेल्स रक्षा बलें बश्कार संयुक्त सैन्य अभ्यास लामितियें दा 10मां संस्करण अज्जे सेशेल्स च शुरू होआ। एह सांझा अभ्यास 18 थवां 27 मार्च तगर चलोग। एहदा मकसद शांति अभियानें दौरान दौनें मुखें दी सेनाएं बश्कार तालमेल बनाना ऐ। 10 दिनें तगर चलने आले सांझे अभ्यास च मैदानी सिखलाई, युद्ध चर्चा, व्याख्यान ते प्रदर्शन शामिल ऐ। लामितियें दा मतलब क्रियोल भाषा च दोस्ती ऐ। पैहला अभ्यासा 2001 च सेशेल्स च होआ हा।

<><><><><><>